

IKA-10 ARALIN

**ANG IYONG
BAGONG
KALAYAAN**



Sa Araling Ito'y Pag-aaralan Mo
Kalayaan Sa Kasalanan
Kalayaan Sa Takot
Kalayaan Sa Kamalian
Kalayaan Sa Kautusan Ni Moises
Kalayaan Sa Pag-aalala
Kalayaan Sa Karamdaman
Kalayaan Sa Hinaharap
Pagpapanatili Ng Iyong Kalayaan

Sumulat si apostol Pablo tungkol sa “maluwaluhating kalayaan ng mga anak ng Diyos.” Sa pagpapatuloy mo sa mga landasin ng Panginoon, higit mong pahahalagahan at kawiwilihan ang kahangahangang kalayaang kaloob Niya.

Kalayaan Sa Kasalanan

Namatay si Jesus upang palayain ka sa kasalanan, kaparusahan, at kapangyarihan nito.



▲ Kasalanan: Inako Niya ang lahat ng kasalananag nagawa mo.

▲ Kaparusahan: Ang parusa mong kamatayan ay inako ni Jesus. Kung tatanggapin mo Siyang iyong Tagapagligtas, malaya ka na sa parusang kamatayan.

▲ Kapangyarihan: Dinaig ni Jesus si Satanas at nilagot ang kapangyarihan ng kasalanan.

Nguni't ngayong pinalaya na kayo mula sa kasalanan. . . Sapagka't ang namatay na ay pinalaya sa kapangyarihan ng kasalanan. . . Kaya dapat ninyong ibilang ang inyong sarili na patay na sa kasalanan datapwa't buhay naman para sa Diyos sa inyong pakikipag-isa kay Cristo Jesus. . . Kaya nga hindi na hahatulang maparusahan ang mga nakipag-isa kay Cirsto Jesus. Roma 6:22, 7:11, 8:1.

Ang Gagawin Mo

1. Ligtas ka na sa kasalanan, at sa kaparusahan at kapangyarihan nito
_____ a) kung tatanggapin mong Tagapagligtas si Jesus.
_____ b) kung magpepenitensiya ka.
_____ k) kung magpapakabuti ka na.

Sagot: 1. a) kung tatanggapin mong Tagapagligtas si Jesus.

▲ Panunuksong Magkasala: May mga taong naligtas agad sa masamang ugali sa sandaling tanggapin nila ang Panginoon. Ang iba'y makikipagbaka nang maraming linggo bago mapagtagumpayan ang paghitit, pag-inom, o bisyo, nguni't sa patuloy nilang pagdalangin at pag-sampalataya, pinapagtatagumpay sila ng Diyos.

Kapag kayo'y pinalaya ng Anak, tunay nga kayong malaya. Juan 8:36

Labanan ninyo ang diyablo at lalayuan niya kayo. Santiago 4:7.

Huwag kang susuko sa paglaban sa masamang ugali. Kung tuksuhin ka ng diyablo, gamitin mo ang kalayaan bigay ni Cristo.

Pasalamat mo ang Panginoon at papurihan dahil sa kalayaang ito at magtatagumpay ka sa manunukso. Ikagagalak ng inyong pastor na ikaw'y idalangin at tulungan.

Kalabanin mo pa rin ang iba't ibang uri ng tukso nguni't kapag nasa langit ka na malaya ka na sa anumang pagnanasang magkasala.

Ang Gagawin Mo

2. Sauluhin ang Juan 8:36 at Santiago 4:7.
3. Sinasabi sa Biblia na ang diyablo
 - _____ a) ang lulupig sa iyo kung sasalansangin mo siya.
 - _____ b) ay lalayo sa iyo kung sasalansangin mo siya.
 - _____ k) ay hindi pinapansin ang mga pagsalungat mo.

Sagot: 3. b) ay lalayo sa iyo kung sasalansangin mo siya.

Mga Bunga at Pagkakaroon Ng Kasalanan: Ito ang kasalananat ang bunga nito—paghihirap, kalungkutan, at kamatayan. Pagdating ng maluwalwhating araw na yaon uwi ka sa iyong tahanang panlangit at malilimutan mo na ang kasalanan at ang naging bunga nito.

Ang Gagawin Mo

4. (Pumili ka ng tatlo.) Aling mga bahagi ng kalayaan sa kasalanan ang tatanggapin natin kay Cristo ngayon din?
- _____ a) kalayaan sa pagtukso.
 - _____ b) kalayaan sa pagiging alipin ng kasalanan.
 - _____ k) kalayaan sa mga bunga ng kasalanan.
 - _____ d) kalayaan sa kapangyarihan ng kasalanan.
 - _____ e) kalayaan sa pagkakaroon ng kasalanan.
 - _____ g) kalayaan sa kaparusahan ng kasalanan.

Mga Sagot: 4. b) kalayaan sa pagiging alipin ng kasalanan. d) kalayaan sa kapangyarihan ng kasalanan. g) kalayaan sa kaparusahan ng kasalanan.

Kalayaan Sa Takot

Hindi mo na ikatatakot ang maaaring gawin sa iyo ng iba. Kinakalinga ka ng Diyos, “nakakubling kasama ni Cristo sa Diyos.” Maaaring maghirap ka o mamatay alang-alang kay Cristo; subali’t sasaiyo Siya sa bawa’t saglit. Anumang mangyari sa buhay mo’y kapahintulutan Niya.

Kung ang Diyos ay panig sa atin, sino ang laban sa atin? *Roma 8,31.*

Hindi mo na katatakutan ang pangkukulam, ang panggagaway, at ang mga bagay na naghatid ng masasamang kapalaran. Si Cristo ang mag-iingat sa iyo kaya't hindi na kailangan ang mga medalyon, salamangka, gayuma, anting-anting, larawan ng bantay na anghel o anumang larawa't imahen. Ikalulungkot pa nga ng Diyos na makitang ginagamit mo ito, na hindi ka nagtitiwalang tutuparin Niya ang Kayang pangako.



Sapagkat sinabi ng Diyos. "Hindi kita iiwan ni pababayaang man." Walang pag-aagam-agam na masasabi natin, "Ang Panginoon ang tumutulong sa akin, hindi ako matatakot. Ano ang magagawa sa akin ng tao?" Hebreo 13:5,6

Sapagka't and Espiritung nasa inyo ay makapangyarihan kaysa espiritung nasa mga makasanlibutan. I Juan 4:4.

Ang Gagawin Mo

5. Ang pinakamabuting paraan ng pag-laya mula sa takot ay
- a) ang paggamit ng sala-mangka
 - _____ b) ang pagsangguni sa arbularyo.
 - _____ k) ang pagsindi ng mga kandila.
 - _____ d) ang pagtitiwala sa Pangi-noon.

Sagot: 5. d) ang pagtitiwala sa Pangi-noon.

Kalayaan Sa Kamalian

Nabitag ni Satanas ang milyung-milyung tao sa huwad na mga relihiyon. Hinahasikan niya sila ng kamalian tungkol sa pagtungo sa langit. Nagdarasal sila sa araw, buwan, mga bato, ilog, at punong-kahoy at hinahanap ang katotohanan sa pamamagitan ng mga panaginip at kapahayagan. Napatutulong sila sa kaluluwa ng mga namatay. Nagsisindi sila ng mga kandila at nagsusunog ng kamanyang sa harapan ng mga rebultong ginto, pilak, kahoy, bato o sahing. Naghahandog sila at namamanata sa mga espiritu.

Ang Salita ng Diyos-hindi ang palagay ng tao— ang nagtuturo sa atin sa pagtungo sa langit. Sa pagbabasa mo ng Biblia, matutuklasan mo ang katotohanan at kalayaan sa mga kamaliang ito.

Makikilala ninyo ang katotohanan, at ang katotohanan ang magpapalaya sa inyo. Juan 8:32

Ang Gagawin Mo

6. (Pumili ng isa.) Makakalaya tayo sa kamalian sa pamamagitan ng
- _____ a) kapahayagang tinanggap natin mula sa mga panaginip.
 - _____ b) palagay ng iba tungkol sa langit.
 - _____ k) katotohanang natututuhan natin sa Biblia.

Sagot: 6. k) katotohanang natututuhan natin sa Biblia.

Makikita mo sa mga susunod na talata ang masidhing damdamin ng Diyos laban sa paggamit ng mga rebulto o anumang uri ng espiritismo. Ngayong tinanggap mo na Siya, higit na mahalaga ang mga utos Niya kaysa anumang nai-pangako bago ka nakakilala sa katotohanan. Ang mga utos na ito ng Diyos ang magpapalaya sa iyo mula sa pananagutan sa mga panatang ginawa mo sa anumang mga imahen, mga espiritu, o mga diyus-diyusan.

Huwag kang magkakaroon ng ibang diyus-diyusan sa harapan ko.

Huwag kang gagawa para sa iyo ng larawang

inanyuan o ng kawangis man ng anumang anyong nasa itaas ng langit, o ng nasa ibaba ng lupa o ng nasa tubig sa ilalim ng lupa. Huwag mong yuyukuran sila, o paglilingkuran man sila. Exodo 20:3,5

Huwag makakasumpong sa iyo ng sinumang nagpaparaan sa apoy ng kanyang anak, o nanghuhula o nagmamasid ng mga pamahiin o engkantador, o manggagaway. O engkantador ng mga ahas, o nakikipagsanggunian sa mga masasamang espiritu, o mahiko, o sumangguni sa mga patay. Sapagka't sinumang gumagawa ng mga bagay na ito ay karumaldumal sa Panginoon. Deuteronomio 18:10,12.

Hindi mo na paglilingkuran ang anumang espiritu o diyus-diyusan sapagka't ikaw ay pag-aari ng iisa't tunay na Diyos. Malaya ka na rin sa kapangyarihan ng masasamang espiritu at pagkatok sa maaaring gawin nila sa iyo. Higit na makapangyarihan ang Espiritu Santong nasa puso mo.

Ang Gagawin Mo

7. (Pumili ng dalawa.) Pinalalaya tayo ng Biblia sa maling

- _____ a) pagsamba sa diyus-diyusan.
- _____ b) pagdalangin sa Diyos.
- _____ k) araw ng pamamahinga.
- _____ d) pagsisisi at pananam-palataya.
- _____ e) uri ng espiritismo.

Mga Sagot: 7. a) pagsamba sa diyus-diyusa. e) uri ng espiritismo.

Kalayaan Sa Kautusan Ni Moises



Nuong araw, nakipagtipan ang Diyos sa mga Hebreo. Si Moises ang tumanggap ng mga takda ng tipang ito at ang lahat ng tuntunin at batas para sa bagong bansang pinangunahan niya palabas sa Egipto. Kasama sa kautusan ni Moises and tuntunin para sa paghahandog, mga araw ng pangilin, paraan ng pagsamba, at mga dapat at di dapat kanin.

Lahat ng mga tuntuning ito sa pananam-bahan ay gaya ng larawan ni Jesu-Cristo at ng kaloob Niyang kaligtasan. Siya ang sakdal na haing mag-aalis ng ating kasalanan. Gaganapin niyang lahat ang kautusan at muling makiki-pagtipan sa tatanggap sa Kanya bilang Taga-pagligtas, maging Hebreo o hindi.

Kaya't ang tuntunin ng kautusan ni Moises ay para sa mga Hebreo lamang, mula nang panahon ni Moises hanggang sa dumating si Cristo. Mula noong panahon ni Cristo hanggang ngayon, sumailalim na tayo sa Bagong Tipan.

Ang Gagawin Mo

8. (Pumili ng tatlo.) Kabilang sa maluwaluhating kalayaan ng mga anak na Diyos ang

- _____ a) kalayaan mula sa takot sa masasamang espiritu.
- _____ b) kalayaan mula sa bulaang relihiyon.
- _____ k) kalayaan mula sa ating tungkulin bilang mga mamamayan.
- _____ d) kalayaan mula sa kautusan ni Moises.
- _____ e) kalayaang gawin ang ating maibigan.

Mga Sagot: 8. a) kalayaan mula sa takot sa masasamang espiritu. b) kalayaan mula sa bulaang relihiyon. d) kalayaan mula sa kautusan ni Moises.

May ilang tao ang naguguluhan at iniisip na dapat nating ipangilin ang araw ng Sabado, ayon sa hinihingi ng kautusan ni Moises. Nguni't mula ng magbangon si Jesus nang unang araw ng sanlinggo, naging kaugalian na ng mga Cristiano na magtipon sa araw ng Linggo, upang gunitain ang Kanyang pagkabuhay-na mag-uli. Magmula pa nuong kapanahunan ng Biblia, ito'y tinatawag na nilang "Araw ng Panginoon."

Nagtatakda tayo ng isang araw sa sanlinggo upang magpahinga sa ibang gawain at sambahin Siya sa bahay ng Diyos. Ito'y sapagka't mahal natin siya at hindi dahil sa napipilitan lamang tayo.

Noo'y araw ng Panginoon. Kinasihain ako ng Espiritu. Pahayag Apocalipsis 1:10

Sa kautusan ni Moises, hindi maaaring kainin ng mga tao ang ilang uri ng hayop. Sa bagong tipan, hindi tayo tinatalian ng pagbabawal na ito. Ang ating kalayaan ay katulad ng ibinigay ng Diyos sa mga naunang tao bago ibigay ang kautusan ni Moises. Pinagbabawalan ng Diyos si Noe na huwag kakain ng dugo, at ito'y inuulit sa Bagong Tipan. Nguni't makakain natin ang anumang uri ng karne.

Bawa't gumagalaw na nabubuhay ay magiging pagkain ninyo; gaya ng mga sariwang pananim na lahat ay ibinibigay ko sa inyo. Nguni't ang lamang may buhay, na siya niyang dugo, ay huwag ninyong kakanin. Genesis 9:3,4.

Ang lahat ng nilikha ng Diyos ay mabuti at walang dapat ipalagay na masama. Lahat ay dapat tanggapin may pasasalamat sapagka't nililinis ito ng salita ng Diyos at ng pana-langin. I Timoteo 4:4,5.

Kumain kayo ng anumang nabibili sa tindahan ng karne at huwag na kayong magtanong pa upang di mabalisa ang inyong budhi. . . kung anyayahan kayo ng isang di

sumasampalataya at ibig ninyong dumalo, kanin ninyo ang anumang idulot sa inyo at huwag na kayong magtanong pa upang di mabalisa ang inyong budhi. I Corinto 10:25, 27.

Kaya't huwag na kayong pasasakop sa anumang tuntunin tungkol sa pagkain o inumin tungkol sa kapistahan, sa bagong buwan o sa Araw ng pamamahinga, Colosas 2:16.

Ang Gagawin Mo

9. Itinuturo ng Biblia na ang Cristiano'y

_____ a) makakakain ng anumang uri ng karne.

_____ b) makakakain ng karne ng ilang uri ng hayop nguni't hindi ng lahat ng hayop.

_____ k) huwag kakain ng anumang karne.

Sagot: 9. a) makakakain ng anumang uri ng karne.

Kalayaan Sa Pag-aalala

Mahal ka ng iyong Ama at tutugunin Niya ang iyong pangangailangan. Pagtiwalaan mo Siya.

Ipagkatiwala ninyo sa Kanya ang inyong mga kabalisan sapagkat Siya ang kumukupkop sa inyo. I Pedro 5,7.

Kaya't huwag kayong mabalisa tungkol sa inyong kakanin, iinumina, o daramtin... Alam ng inyong Amang nasa langit na kailangan ninyo ang lahat ng ito. Nguni't pagsumakitan ninyo ng higit sa lahat ang pagharian kayo ng Diyos, at mamuhay ng ayon sa Kanyang kalooban, at ipagkakaloob Niya ang lahat ng kailangan ninyo. Mateo 6:31-33.

Ang Gagawin Mo

10. Sauluhin ang 1 Pedro 5:7
11. May alalahanin ka ba? Dumalangin ka sa Panginoon. Pasalamat mo Siya sa Kanyang tugon at wala ka nang alalahanin pa.

Kalayaan Sa Karamdaman.

Si Cristong Dakilang Manggagamot ang iyong pinakamatalik na kaibigan. Mahal ka Niya at ibig Niyang ikaw ay lumusog. Kung paanong Siya'y nagpagaling ng maysakit noon bilang tugon sa panalangin, Siya pa rin ang nagpapagaling sa mga tao ngayon. Kung may sakit ka, hilingin mo sa pastor at matatanda sa iglesya na ikaw'y ipanalangin. Maaaring ipatong nila ang kamay sa iyo habang idinadalangin nilang ikaw ay pagalingin ng Diyos. O maaari kang pahiran ng langis; ito'y sagisag ng kanilang tiwala sa kapangyarihan ng Espiritu Santo na magpagaling.

Gagaling ang mga maysakit na mapatungan ng kanilang mga kamay. Marcos 16:18

Mayroon bang maysakit sa inyo? Ipatawag niya ang matatanda sa iglesya, upang ipanalangin siya at pahiran ng langis sa Pangalan ng Panginoon. At pagagalingin ang maysakit dahil sa panalanging may pananampalataya. Ibabangon siya ng Panginoon at patatawarin kung siya'y nagkasala. Santiago 5:14,15.



Ang Gagawin Mo

12. Kailangan mo ba ang pagpapagaling? Hilingin mo sa iyong pastor na idalangin ka. Kung nag-aaral ka sa pamamagitan ng koreo, ikaw'y ipanalangin ng pamunuan ng paaralan. Isulat ang iyong pangangailangan pag ipinadala mo ang iyong tala.

Kalayaan Sa Hinaharap

Kahanga-hanga ang iyong kalayaan ngayon, nguni't sa pagbabalik ni Jesus, ang Dakilang Tagapagpalaya, malalaman mo na ang kaganapan

ng maluwalhating kalayaan ng mga anak ng Diyos. Babaguhin Niya ang iyong katawan at itutulad sa Kanya, at dadalhin ka sa iyong tahanan sa langit. Malao't madali lilinis ni Cristo ang sangkalupaan mula sa kasalanan at lahat ng bunga nito.

At papahirin niya ang kanilang mga luha, Wala nang kamatayan, dalamhati, pag-iyak, at sakit pagka't lumipas na ang dating mga bagay. Pahayag 21:4

Gayunman, may pag-asa pa, sapagka't ang sangnilikha ay palalayain sa pagkaalipin nito sa kabulukan at makakabati sa maluwalhating kalayaan ng mga anak ng Diyos. Roma 8:20,21.

Ang Gagawin Mo

13. Basahin mong apat na ulit ang Pahayag 21:4. At pasalamatan ang Diyos sa mensahe nito.

Pagpapanatili Ng Iyong Kalayaan

Bago tayo dalhin sa langit ni Jesus makiki-pagbaka pa rin tayo kay Satanas. May mga tukso't pagsubok, nguni't kinakailangan huwag nating isuko ang ating kalayaan.

Pinalaya tayo ni Cristo upang manatiling malaya. Magpakatatag nga kayo at huwag nang paalipin pang muli! Galacia 5:1.

Huwag mong kalilimutang ang iyong bagong buhay at kalayaan ay nakasalig kay Cristo Jesus at sa kanyang pakikisama at kapangyarihan sa iyo — hindi sa iyong pagpapakabuti. Ang pagiging Cristiano ay hindi pagtupad sa mga tuntunin kundi “Si Cristong nasa inyo, ang pag-asa ng kaluwalhatian.”

Natagpuan mo kay Cristo ang isang buhay na bago't kahanga-hanga, walang katapusang buhay na may maluwalhating kalayaan bilang mga anak ng Diyos. Ingatan mo itong mabuti, higit itong mapapasaiyo sa paglipas ng mga taon at sa mga panahon pang darating.

Kaya't ang nakipag-isa kay Cristo ay isa nang bagong nilalang. Wala na ang dating pagkatao; siya'y bago na. 2 Corinto 5:17.

At kung ako ma'y buhay, hindi na ako ang nabubuhay, kundi si Cristo ang nabubuhay sa akin. At habang ako'y nasa daigdig, namumuhay ako sa pananalig sa Anak ng Diyos na umibig sa akin at nag-alay ng Kanyang buhay para sa akin. Galacia 2:20.

Ang Gagawin Mo

14. (Pumili ng isa.) Ang iyong buhay Cristiano ay nasasalig

- _____ a) sa pagsunod sa mga tuntunin.
- _____ b) sa pananahanan ni Cristo sa iyo.
- _____ k) sa puspusan mong pagpapakabuti.

15. Sauluhin ang 2 Corinto 5:17 at Galacia 2:20.

Sagot: 14. b) sa pananahanan ni Cristo sa iyo.

Ngayon ay handa ka na para sagutin ang huling bahagi ng Talaan ng Mag-aaral araling 6-10. Pagbalik-aralan ang mga araling ito. Sundin ang mga alituntunin sa iyong talaan ng mag-aaral. Kapag iyong ipinadala ang papel ng pagsusulit sa iyong guro, mangyari lamang na hilingin ang kasunod na kurso.

MALIGAYANG BATI!

Tapos na ang iyong pag-aaral sa Ika-10 Aralin ng "IYONG BAGONG BUHAY" kursong hinango mula sa Biblia.

Tiyaking tapos na ang lahat ng mga pagsusulit at ang mga papel ng pagsusulit ay ipadala sa ICI upang lagyan ng grado.

Kung matagumpay mong natapos ang kurso, ipadadala namin sa iyo ang isang magandang "sertipiko."



